

Službene novine Kantona Sarajevo, broj 21/23

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 33. Zakona o zdravstvenom osiguranju ("Službene novine Federacije BiH", br. 30/97, 7/02, 70/08, 48/11, 36/18 i 61/22) na usaglašeni prijedlog Ministarstva zdravstva Kantona Sarajevo i Zavoda zdravstvenog osiguranja Kantona Sarajevo, Vlada Kantona Sarajevo, na Petoj sjednici održanoj 27.04.2023. godine, donijela je

UREDBU

O IZMJENAMA I DOPUNAMA UREDBE O OBIMU, USLOVIMA I NAČINU OSTVARIVANJA PRAVA OSIGURANIH LICA KANTONA SARAJEVO NA MEDICINSKA SREDSTVA

Član 1. (Izmjena člana 54.)

U Uredbi o obimu, uslovima i načinu ostvarivanja prava osiguranih lica Kantona Sarajevo na medicinska sredstva („Službene novine Kantona Sarajevo”, br. 22/20, 30/21, 42/22 i 48/22) u članu 54. stav (2) mijenja se i glasi:

"(2) Osigurano lice koje prima insulin ostvaruje pravo na trake kako slijedi:

a) osigurano lice u dobi iznad 18 godina koje prima insulin jednom dnevno ostvaruje pravo na jednu traku dnevno, osigurano lice koje prima insulin dva puta dnevno ostvaruje pravo na dvije trake dnevno, osigurano lice koje prima insulin tri puta dnevno ostvaruje pravo na tri trake dnevno, a osigurana lica koja primaju više od tri puta dnevno insulin ostvaruju pravo na četiri trake dnevno,

b) prijedlog za nabavku medicinskog sredstva iz tačke a) ovog stava daje subspecijalista endokrinologije ili specijalista dijabetološkog savjetovišta, minimalno jednom godišnje, uz obavezno upisivanje HbA1c vrijednosti ne starije od šest mjeseci od datuma izdavanja prijedloga, a propisuje izabrani doktor porodične medicine na osnovu njihovog specijalističkog nalaza."

Član 2. (Izmjena člana 57.)

Član 57. mijenja se i glasi:

"Član 57.

(Aparat za kontinuirano mjerenje šećera u krvi sa pripadajućim potrošnim materijalom)

(1) Osiguranom licu oboljelom od šećerne bolesti na intenziviranoj terapiji insulinom u dobi do 18 godina odobrava se

aparat za kontinuirano mjerenje šećera u krvi sa pripadajućim potrošnim materijalom, u skladu sa Listom.

(2) Osiguranom licu oboljelom od šećerne bolesti tip 1 na intenziviranoj terapiji insulinom u dobi iznad 18 godina, odobrava se aparat za kontinuirano mjerenje šećera u krvi sa pripadajućim potrošnim materijalom, u skladu sa Listom.

(3) Prijedlog za nabavku medicinskog sredstva iz stava (1) ovog člana daje konzilij specijalista pedijatrije - endokrinolog Pedijatrijske klinike Kliničkog centra Univerziteta u Sarajevu, a za medicinska sredstva iz stava (2) ovog člana daje konzilij subspecijalista endokrinologa/dijabetologa Klinike za endokrinologiju i bolesti metabolizma. Potvrdu o potrebi medicinskog sredstva, propisuje specijalista pedijatrije - endokrinolog ili pedijatar odnosno izabrani doktor porodične medicine za osigurana lica do 18 godine, a specijalista interne medicine - endokrinolog/dijabetolog ili izabrani doktor porodične medicine za osigurana lica u dobi iznad 18 godina.

(4) Lica koja su ostvarila pravo na ovo pomagalo prije 18 godine života na teret sredstava iz obaveznog zdravstvenog osiguranja, nastavljaju koristiti to pravo i nakon navršenih 18 godina života.

(5) Osigurana lica koja ostvare pravo na aparat za kontinuirano mjerenje šećera u krvi sa pripadajućim potrošnim materijalom, ne mogu ostvariti pravo na aparat za samokontrolu šećera u krvi i trake.

(6) Aparat za kontinuirano mjerenje šećera u krvi, sa pripadajućim potrošnim materijalom se obezbjeđuje uz uslov da je medicinsko sredstvo upisano u registar medicinskih sredstava pri Agenciji za lijekove i medicinska sredstva Bosne i Hercegovine."

Član 3. (Izmjena i dopune liste)

U listi medicinskih sredstava koja je sastavni dio Uredbe vrši se sljedeća izmjena i dopune tabelarnog pregleda:

"E - Ostala medicinska sredstva

5. Sredstva kod šećerne bolesti

- red "4a" se briše

- u redu broj 7 u koloni "Medicinske indikacije za ostvarivanje prava na medicinsko sredstvo" iza riječi: "insulinom" dodaje se interpunkcijski znak,,zarez" i riječi: "u skladu s članom 57. ove Uredbe."

- u redu broj 7 u koloni "Medicinsko sredstvo predlaže - propisuje ovjerava" iza riječi: "konzilijum" dodaje se interpunkcijski znak,,zarez" i riječi: "u skladu sa članom 57. ove Uredbe."

- u redu broj 7 u koloni "Rok korištenja medicinskog sredstva" - iznad 18 do 65 god; iznad 65 godina" upisuju se riječi: "senzori prema vrsti uređaja, indikacijama koje utvrđuje konzilij, a rok trajanja aparata najmanje 36 mjeseci"."

Član 4. (Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajeva".

Broj 02-04-15280-26/23
27. aprila 2023. godine
Sarajevo

Premijer
Nihad Uk, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba (mailto:sllist@sllist.ba)

Kontakti

Centrala

Tel: 033/722-030

Email (<mailto:info@sllist.ba>)

Uredništvo

Tel: 033/722-038

Email (<mailto:urednistvo@sllist.ba>)

Pravna služba

Tel: 033/722-051

Email (<mailto:info@sllist.ba>)

Računovodstvo

Tel: 033/722-045, Fax: 033/722-046

Email (<mailto:racunovodstvo@sllist.ba>)

Pretplata

Tel: 033/722-054

Email (<mailto:pretplata@sllist.ba>)

Ekspedit

Tel: 033/722-041

Email (<mailto:info@sllist.ba>)

Prodaja

Tel: 033/722-079

Email (<mailto:info@sllist.ba>)

Oglasni odjel

Tel: 033/722-049 i 033/722-050, Fax: 033/722-074

Email (<mailto:oglasni@sllist.ba>)

Tehnički sekretar

Tel: 033/722-061, Fax: 033/722-064

Ured direktora

Tel: 033/722-061

Komercijala

Tel: 033/722-042

